

JAVNO PREDUZEĆE «VODOVOD I KANALIZACIJA» d.o.o.
ZENICA
Direktor preduzeća

Broj: 105 - 8958/20 DŽS *MS*
Zenica, 05.08.2020. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501-8956-1/20 DŽS od 05.08.2020. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-8956/20 DŽ od 05.08.2020. godine u postupku dodjele okvirnog sporazuma za nabavku fazonskih komada za ljevano željezne i plastične cijevi i prihvata se preporuka Komisije za nabavke da se okvirni sporazum zaključuje sa ponuđačem:

TOPLOTA d.o.o. Zenica

kao najbolje ocijenjenom ponuđaču, prema ponudi protokoliranoj pod brojem: 501-8188/20 od 14.07.2020. godine, a nakon e-aukcije za ostvarenu cijenu od 366.430,25 KM, bez uračunatog PDV-a.

II

Prvobitno ponuđena cijena izabranog ponuđača u iznosu od 447.412,42 KM nakon provedene e-aukcije umanjena je za 24,16 %.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog okvirnog sporazuma dostavit će se na potpis izabranom ponuđaču TOPLOTA d.o.o. Zenica, nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 105-5941/20 BS od 03.06.2020.godine kao i Odlukom o izmjeni Odluke pokretanju postupka javne nabavke broj: 105-7346/20 BS od 29.06.2020. godine. Javna nabavka je provedena putem otvorenog postupka sa zaključivanjem okvirnog sporazuma na period od 24 mjeseca.

Procijenjena vrijednost javne nabavke bez uračunatog PDV-a je 450.000,00 KM.

Dana 05.06.2020.godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-236-3-25/20 objavljena je i tenderska dokumentacija. Dana 30.06.2020.godine na Portalu javnih

nabavki objavljena je ispravka za obavještenje o nabavci broj: 439-1-1-236-8-29/20 kao i izmijenjena tenderska dokumentacija.

Poziv za preuzimanje tenderske dokumentacije broj: 406-5941-2/20 BS od 05.06.2020. godine upućen je sljedećim ponuđačima:

1. BIHEXO d.o.o. Sarajevo
2. Interkont komerc d.o.o. Banja Luka
3. Vodoskop d.o.o. Tomislavgrad

U prilogu Odluke dostavlja se Izvještaj o preuzimanju tenderske dokumentacije od strane ponuđača preuzet sa portala javnih nabavki dana 03.08.2020. godine u 08:20 sati.

Rok za dostavljanje ponuda je bio 14.07.2020. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. BIHEXO d.o.o. Sarajevo
2. VODOSKOK d.o.o. Tomislavgrad
3. TOPLOTA d.o.o. Zenica

Komisija za nabavku imenovana je Odlukom broj: 105-4040/20 BS od 23.03.2020. godine.

Komisija za nabavku je dana 05.08.2020. godine direktoru preduzeća dostavila Izvještaj o radu broj: 501-8957/20 od 05.08.2020. godine i Preporuku o izboru najpovoljnijeg ponuđača broj: 501-8956-1/20 od 05.08.2020. godine u postupku nabavke fazonskih komada za ljevano željezne i plastične cijevi.

U postupku, prema Izvještaju o radu Komisije, utvrđeno je da je:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda,
- ukupno 6 (šest) ponuđača je preuzelo ispravku tenderske dokumentacije sa Portala javnih nabavki.

Dana, 14.07.2020. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda.

Uvidom u priloženu dokumentaciju otvorenog postupka broj: 406-7346-3/20 BS od 29.06.2020. godine – Nabavka fazonskih komada za ljevano željezne i plastične cijevi, a tokom preliminarnog pregleda i ocjene prispijelih ponuda, Komisija po članu 66. Zakona o javnim nabavkama (Sl. glasnik BiH, broj: 39/14), i članu 17. Uputstva za pripremu modela tenderske dokumentacije i ponuda (Sl. glasnik BiH, broj: 90/14), nije našla osnovan razlog da izrazi sumnju da je ponuđena cijena bilo kojeg ponuđača neprirodno niska.

Ponuđač BIHEXO d.o.o. Sarajevo nije dostavio traženi DVGW ili neki drugi certifikat za stavke 18 i 19 iz Aneksa 2 (MMK i MMQ komadi) jer priloženi KIWA certifikat nije obuhvatio fazonske komade iz stavke 18 i 19. Ponuđač nije dostavio traženi DVGW ili neki drugi certifikat za stavke pod rednim brojem 15.1, 15.2, 15.3, 15.10, 15.11, 15.12, 15.13, 15.14 (E-prirubnički spoj za cijevi od nodularnog liva). Iz gore navedenog razloga ponuda ponuđača BIHEXO d.o.o. Sarajevo se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđačima koji su dostavili formalno – pravno ispravne i tehnički prihvatljive ponude, ugovorni organ je, shodno odredbi čl.4. Pravilnika o načinu korištenja e-aukcije zakazao e-aukciju za dan 03.08.2020. godine, u terminu od 10:00 sati.

Ponude ponuđača, prije početka e-aukcije su:

1. VODOSKOK d.o.o. Tomislavgrad, sa ukupnom cijenom ponude u iznosu od 447.412,24 KM bez PDV-a
2. TOPLOTA d.o.o. Zenica, sa ukupnom cijenom ponude u iznosu od 483.190,20 KM bez PDV-a

E - aukcija je održana u zakazanom terminu.

U e - aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. TOPLOTA d.o.o. Zenica, sa ukupnom cijenom ponude u iznosu od 366.430,25 KM bez PDV-a
2. VODOSKOK d.o.o. Tomislavgrad, sa ukupnom cijenom ponude u iznosu od 366.878,18 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ponuđača kako slijedi: Konačne ponude, nakon završetka postupka e-aukcije su:

1. TOPLOTA d.o.o. Zenica, sa ukupnom cijenom ponude u iznosu od 366.430,25 KM bez PDV-a
2. VODOSKOK d.o.o. Tomislavgrad, sa ukupnom cijenom ponude u iznosu od 366.878,18 KM bez PDV-a,

te dala preporuku da se okvirni sporazum na period od 24 mjeseca zaključi sa najuspješnijim ponuđačem TOPLOTA d.o.o. Zenica.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.

DOSTAVLJENO:

- 1 x Ponuđaču
- 1 x Direktor preduzeća
- 1 x Pom.dir.za ekon. i pravne posl.
- 1 x Pom.dir.za tehn.posl.
- 1 x Pom.dir. za razvoj i inv.
- 1 x Komercijalna služba
- 1 x Tehnička služba
- 1 x Sekretar Komisije
- 3 x Članovima Komisije
- 1 x a/a



DIREKTOR

Emir Pašalić
Pašalić Emir, dipl.ing.građ.